Date: 1 November 1565
REF: GD112/39/5/8
Place: Strachur
From: Archibald Campbell, 5th Earl of Argyll
To: Colin Campbell of Glenorchy
Address: To our cousing Coling Campbell off Glenvrquhay

Trest cousing eftir hartle commendatioun. We resavit twa writingis of zouris and vnderstandis by ye samyn sindre hedis quhilk we will nocht ansuer for yis tyme becauss God willing of our schort meting with zou. Ze sall wit we will be in Straithfillane vpoun Sunday nixt at ewin ye ferd of yis instant November 1565 quhair we pray zou faill nocht to met with ws for ye ending of zouris besines and Makgregoris. We sall bring with ws als mony men as we may get eslie redy gif ze hef ado for zour support. As for our counsell towart zour houss delivering we findis it nocht to be done vnto ze tyme at we and ze commoun togidder at mair lenth. For als lang as we be abill to defend our awin housses we sall defend zouris and spair for nay danger as eftir may follow. And yis referris all vyer thingis to our meting. Committis zou to ye protectioun of God. From Straithcuir ye first of November lait 1565.

Zouris Archibald Ergyll